

Chhuah fan : October 1984

RAMTHAR

MARCH



2024

Chunchin Cha Ehlen Ni Chibai !



MISSIONARY THARTE

&

SMB leh MTC lama hotu thenkhatte

Mipa - 12; Hmeichhia - 21; An vaiin - 33

Evangelist Teacher - 19; Evangelist - 13; Craft Teacher - 1

Home Mission - 18; North East - 11; Central - 4

SERMON

Pathian Ram

Phêk

3 - 5

KUM 40-NA

MARCH 2024

BU 458

RAMTHAR ASSOCIATION CHANCHIN BU THILA KIP CHHUAK

EDITORIAL BOARD 2022 - 2024

<i>Editor</i>	Rev. Thangzauva	RAMTHAR
<i>Joint Editors</i>	Upa Lalhlahluna Ralte	BIAK PAWHNA
	Upa Zoramthanga	
<i>News Editor</i>	Pi Ruth Lalhmangaihi	8974694225
<i>Circulation Manager</i>	Pu Lallawmnakima Hmar	
<i>Publisher</i>	Rev. R. Lalhmingsanga	Office hun chhúngin biak ni thei se.
Member-te		Hun dangah chuan Call lovin Message hmanga biak ni thei se
Rev. R. Vanlalngbaka	Synod Moderator	
Rev. P.B. Mankima	Synod Secretary (Sr.)	
Rev. Dr. K. Lallawmzuala	Executive Secy., i/c Mission	
Upa Lalramliana	BEC Member	
Upa H. Zoramthanga	BEC Member	
Thu chhuah tûr nei chuan hêngahte hian a thawn theih e:		
1. Editor/Cir. Manager, Ramthar Chanchinbu,		
Synod Office, Aizawl, Mizoram - 796001		
2. Email: ramtharchanchinbu@gmail.com		
3. Whatsapp: 8974694225		
Ramthar Chanchin bua thu chhuah hi a ziaktu mawhphurhna a ni.		

SYNOD MISSION BOARD HOTUTE

Rev. Dr. K. Lallawmzuala	Executive Secretary
Rev. R. Lalhmingsanga	Secretary
Upa Lalhlahluna Ralte	Coordinator

KUM KHAT LÂK MAN - ₹ 60/-**A CHHÛNGA THU AWMTE**

1. Editor thukhawcháng	1
2. Keimahni	2
3. Sermon	3-5
4. BUH HMUN AṬANGIN:	6-18
(1) Thrizino Pastor Bial Gospel Crusade	
(2) PMS, Hamren rawngbàwlna chanchin	
(3) Buh hmun pawh a ni lo; Hlíngh hmun...	
5. Serchhip Vengchung Kohhran Ramthar Huan	19
6. Káwl Pastor, Rev. Dr. C. Vanlalhnema nèn	21
7. Ramthar Feh	24-31
8. Declaration	32



Rev. Thangzauva

BC leh AD awmtirtu, hun bi kima lo piang (Gal 4:4), Heroda timanganga, nausén suatna thlentu (Mt 2:3; 16-17), Pilata pawhin a chung thu rèl harsa a tih (Lk 23:12), khawvêlin an zui (Jn 12:19), Nazareth Isua (Jn 19:19) hi Judaten an thlahtu bul bera an ngaih Abrahamana (Mt 1:1) awm hmaa awm (Jn 8:58), mihring (1 Tim 2:5) leh Pathian dik tak (1 Jn 5:20), Lal leh chhandamtu awm chhun a ni (Phil 2:11; Tirh 4:10-13).

Ànchhe dawngte khai kànnà thing Kraws (Deut 21:23) chu sualna nei lo Pathian Fapa thihna a ni a (Jn 19:20); thihna Kraws chu nunna hnár, chhandamna hmun a lo ni ta (Mt 27:38; Lk 23:42-43). Khawvêl èntu (Jn 8:12) chu khenbeh a nih laiin khawvêl a thim vek (Mt 27:45). Zirtírna thar leh danglam tichhuaktu a ni - '*Kei erawh chuan...*' a ti (Mt 5:24; 34,44). Mi sualte ðhian leh ngaidamtu nih a fâwm (Lk 19:1-10; 23:34).

Mitthi khua, thlànah phùm a ni a (Lk 23:53); thlàn thim ðihbaiawmna zawng zawng hnehin, Rom sipaite dan zawh rual lohvin a tho leh (Mt 28:6-7). A thih laiin nasa takin lîr a lo nging a, Jerusalem Temple puanzàr a thlêr a, thlànthe inhawngin mi thianghlim muhîl tawhte taksa tam tak pawh kaih thawhin an awm (Mt 27:51-52). Isua thawhlehna chuan Pathian Fapa a nih nasa takin a hriattír (Rom 1:4). Khawvêl ngamtu a ni a (Jn 16:33). '*A tho leh ta!*' tih chu a zuitute tán '*Hnehna Hlado*' a ni. Thawhlehna hmahruaitu a ni a (1 Kor 15:20), amah ringtu chu thi mah sela a nung reng ang (Jn 11:25).

Isua Krista thawhlehna thu hril chuan sakhaw dang zirtírna a lehthal a, nun thar pe-a thurin thar an pawm tâk avàngin thuhriltute chuan '*Khawvêl chawk buaitute*' tih an hlawh phah (Tirh 17:6-7). Isua avàngin tihduhdah leh martar an tuar a (Tirh 7:54-60); mahse, thawhlehna thu hril lovin an awm thei lo (Tirh 4:20), tihmâkmawh - hril loh chu chungpiknaah an ngai (1 Kor 9:16). Chanchin ðha chuan thim a su êng a, thiam leh finna a ðhang a, ramin hma a sâwn phah ðhìn (Mt 5:13-16; Isa 58:12). Tlàwmnain thinlungah ram a din a, sakawlh Lalram ðhiatin, khawvêlah a ram a zau zêl dâwn (Thup 11:15).

KEIMAHNI**† TUARPUINA:**

1) Pu V. Rohmingsanga (60), Lunglei Ramthar Veng, Pi V. Laltlanmawii, B Ed zirlai (IASE, Aizawl) pa chu ni 27.1.2024 khán Stroke vângin a thi.

2) Pi Rosangi (74), Ramthar North, Nl. R. Lalremsiami, Evangelist Teacher, Tlabung (Home Mission North) nu chu ni 28.1.2024 khán Stroke vângin a thi.

3) Pu J. Lalduhawma (56), Aizawl Venghlui, Pastor Lalrinpuia i/c Boleng Pastor Bial (Arunachal & Assam Mission Field 'N') pa chu ni 6.2.2024 khán Typhoid vângin a thi.

4) Pu F. Lallura (72), Melriat, Pi F. Lalawmpui, Evangelist Teacher, Tuidu (Tripura Mission Field) pa chu ni 5.2.2024 khán Pneumonia vângin a thi ('F. Hranglura' tia hriat a ni baw).

5) Pi Lalnuntluangi (75), W. Phaileng, Pi Lalruatzeli, Evangelist Namsang (Arunachal & Assam Mission Field East) nu chu ni 6.2.2024 khán Stroke vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

† MISSIONARY TIRH CHHUAH INKHĀWM HMANG: SMB hnuaia thawk tùr, Missionary lâk thar mi 33-te Tirh Chhuh Programme chu ni 18.2.2024 (Pathianni) chawhnu dár 1:30-ah khán Leitan Kohhran Biak Inah tluang taka hman a ni.

† PROJECT LIST A LAM THEIH E: Synod Mission Board hnuaia Field hrang hrang mamawh tàr lanna (Project List 2024) hi Synod Mission Board Pisapuiah a lam theih e. Project List-a mamawh hrang hrang tàr lante hi Budget-a tel lo, rawngbàwlanaa mamawh site an ni a.

A soft copy (pdf) duh kan awm chuan hêng number-ah te hian Whatsapp hmangin (*Call lovin*) a dîl theih e.

9856856464 & 8974694225



SERMON PATHIAN RAM

Chhiar tùr: Johana 3:5; Mt 13:24-33; 44-50

Upa Zothanmawia

Hualngohmun

Mobile No: 9612723168



1. Pathian ram chu eng nge?: Pathian ram chu 'vànram' tia sawi a ni bawk. 'Vànram' tia sawina a tam zâwk mah. A chhan chu Juda-ten 'Pathian' han tih lawl lawl kha an hreh a, 'vànram' tiin an sawi tam zâwk a ni. Kan Kohhran hian thawhlàwm ke hming pakhatah kan hmang a, thenkhat chuan 'sàwma pakhat' tihna emaw kan ti mai thei e. Sàwma pakhat thawhlawm hi 'Pathian ram thawhlawm' kan ti thìn tho bawk si a. A tirah chuan 'Pathian ram zauna' tih thìn a ni àwm e.

'Vànram' han tih khán vana mi chauh khi ni tùra ngaih awl tak tùr a ni a. Mahse, he khawvêla kan awm chhúnga kan chan lâwk tùr a ni tho si. Chumi a nih avàng chuan Lal Isuan tawngtai dân min zirtírah pawh 'I ram lo thleng rawh se,' kan ti thìn. 'Kan thih huna kan awmna tùr vànram khi rawn chhuk rawh se,' tihna a ni lo. Pathian ram/ Vànram chu 'Pathian Lalna ram' a ni a; chu chu kan hnênah lo thleng se tihna a ni. Kan thinlungah lo lal se, kan Kohhranah, kan khaw-tlângah, kan ramah, chutiang

zêlin. Chutianga lalna a channa hmun chu Pathian ram (Vànram) tia Bible-in a sawi chu a ni phawt mai a. Tin, kan thih hnua kan awmna tùr Vànram a awm bawk.

Matthaia bung 13-ah Lal Isuan Vànram (Pathian ram) chungcháng tehkhin thu chi hrang hrangin a siam a. Buh lem te, Anțam chi te, Dawidim te, Rophùm rûkte, Tuikeplung leh Lenkhang te a tehkhin a ni.

2. Pathian ram/ Vànram hmu thei tùrte: Leiah a ni emaw, Vànah a ni

emaw, Pathian ram hmu thei tura Lal Isuan a sawi chu piangthar, amah ringtute an ni. Piangthar, Lal Isua ringtute chu Isua Lal leh chhandamtua pawmtu an ni a; *'Thil dang zawng aia Lal Isua thlangtute'* ti pawhin kan sawi thei ang.

A hming maia Kristian nunah leh thinlunga Kristan lalna a chan ngai reng reng lohnate hian Pathian ram an hmuh a rinawm loh. An khawsak dân, an nungchanga Isua aia thil dang thlang zawk tih hriat takte hian he leiah leh vãn an thlen thleng pawhin Pathian ram an chèn theiin a rinawm loh.

Lal Isua tehkhin thua kan hmuhah khán Pathian ram, Vãnram chu thil chi hrang hrang nèn a tehkhin a.

1) Buh lem tehkhin thua chuan buh tak chauh vãnramah seng luh a nih tùr thu a sawi a.

2) Anțam chi tehkhin thu chuan Pathian ram neitu nun a sawi a. A tìrah nêp tē angin

lang mah se, a hnu zêlah chuan thlarau lamah lo țhang lianin, an zár zo tham tak an lo ni țhìn a ni.

3) Dawidim tehkhinnaah pawh hian chhang dawidim tlém tē khân hna a thawh chuan chhang pum pui a fan chhuakveka. Chutiang chuan a tìra thinlunga Pathian ram zim tē khân thinlung leh mihring nun pum a fan chhuak țhìn ang hi a nih thu a sawi.

4) Ro phum rûk tehkhin thu leh tuikeplung tehkhin thute hi a inang deuh va. Miin Pathian ram hlutzia a hriat chian chuan thil dang zawng zawng aiin a thlang tawh țhìn tihna a ni ber.

5) Lenkhang tehkhin thu leh a tìr bera buh lem tehkhin thu kha a inzùl hmèl hle bawk. Lenkhang a tang, a chhia zawng chu an paih a, a țha zawng chu an la angin, Isua ring duh lote chu hnawl an ni ang a, ringtute chu vãnramah seng luh an nih tùr thu a sawi a ni.

3. Vànram/Pathian ram hmu turin i inbuatsaih ang u:

Johana 3:3-ah khan mi a pianthar loh chuan Pathian ram a hmuh theih loh tùr thu Lal Isua ngeiin a sawi kan hmu a. Lal Isua Lal leh chhandamtua pawmtute hi mi piangthar chu an ni kan tih tawh kha. Chhandamtu atán ringawta thlangtute chu an nunah Lal Isua a lal ngai lo vang. Chu miah chuan Pathian Lal ram a thleng ngai lo vang. Amah Lal Isua hre Chiang lotute hnênah a lal thei lo vang. Kan piangthar a, kan tlu leh thìn a nih chuan Lal Isua hi kan la hre Chiang lo tihna a ni thei ang. Lal Isua hre chianga, amaha innghatte

chuan thil dang zawng zawng hnâwlin Isua an thlang tawh thìn.

*"Isua neih ka duh zâwk, ro hlu
[ber aiin,
A ta nih ka duh lei sum zawng
[neih aiin;
Isua neih ka duh zâwk thil
[dang zawng aiin,
Khawvêl zawng ai pawhin,"*

an lo ti a ni.

Chutiang mite chu he leiah leh Vàn thlen hunah pawh Pathian ram chángtute an ni zêl dáwn a ni.

Lalpan a thu malsàwm rawh se. Amen.

Zan khat chu lo neitu pakhat hi a thlám lian leh nuam taka amaha a riah lai hian thlipui leh ruahpui a rawn thawk thut mai a. A thlám varanda-ah chuan sava eng emaw zât hi tawm hulna zawngin an thlâwk kual noh noh mai a, an hrâm chùl baw k a. Fûkna tùr an indaih loh bākah ruah chuan a la rawn theh thawt thawt mai a. Chu pa chuan savate chu a khawngaih hle mai a. Kawngkapui chu a hawng a, in chhúng a tiêng baw k a. Tichuan, savate chu a ina khalth luh tumin a han bei a. Mahse, savate chuan an hlau êm êm mai a, an philí leh zual ta hle mai a. Tichuan, thlipui leh ruahpui lamah baw k chuan thlabár êm êmin an thlâwk kîr leh ta zung zung mai a. Chu pa chuan thinlung na tak hian, "Áw, a va pawî tak êm! Savaah chang thei ila, an hriatthiam theih tùra hrih theih ka va chāk tak êm!" a ti vawng vawng mai a.

Chutiñ lai tak chuan a thinlungah Vàn ațanga leia Lal Isua lo kal chhan a lo fiah ta uarh mai a.

BUH HMUN AṬANGIN THRIZINO PASTOR BIAL GOSPEL CRUSADE

Rev. Lal̄hazuala

Bialtu Pastor

Mobile No: 8575892459



Kum 2024, January ni 18-21 chhúngin Thrizino Pastor Bial (Arunachal & Assam Mission Field West) ten Gospel Crusade nuam leh hlawhtling tak kan hmang thei a, Crusade leh a chhehvêl chanchin tâwi tê han ziak ve dâwn teh ang.

Hun hman dàn tlàngpui: Gospel Crusade programme hi Ningani zàn aṭanga ṭanin, Speaker, Rev. P.C. Rohlira hnên aṭangin thuchah vawi nga zet kan ngai thla a. Inkhâwm apiangin damlote tán a hranpa ngatin ṭawngṭaisakna hun hman ṭhin a ni bawk. Kohhran member ten kan ngaihlu êm êm a, inkhâwm pawh kan ṭha viau zêl a ni.

Zirtawpni chhùnah Sports neiin mi ṭahnem tak kan kal khâwm thei a. Item chi hrang hrang hmanga intihsiakna te neiin hun hlimawm tak kan hmang a. Nausen pawm te, naupang tê te leh pitar putar chenin mi 80

chuang zet kan sports suau suau mai a ni.

Inrinni chhùnah Khuang ben training kan nei bawk a. Ṭhalai lamten rin aain an lo hlutin, an lo ngai pawimawh êm êm mai a. Nutling leh patling pui pui '*Kan Kohhran tán kan mamawh,*' tia zir ve duh tlatte kan nei bawk a. Kan rin phak bâka tam kan pung khâwm thei a, ***mi 30 chuang laiin hla hruai thiam vena tùr kan zir chhuak a ni.***

Rin loh LALPA malsàwm-na: He Crusade-ah hian Pathianni zànah Baptisma chang thar pakhat kan nei a, kan lâwm hle a ni. Baptisma programme hi ruahman sa

kan nei lo va, kan tum lo bawk a. Mahse, Pathianni chawhma inkhâwm ban vêleh Thrizino nula kebai, mahnia kal thei lo, zakdawh tiang hawl ngai chuan, *“Pastor Baptisma in chantír em? Vawiinah in chantír dâwn emaw ka ti a, ka lo inkhâwm ve vang vang asin,”* tih thu sawi tùrin min lo châng rân a. A mi deh dàn a dang ta zak mai. Biak In thleng kal fo tùra harsatna nei, hun bika rawn thleng ve a ni tih kan hria a.

Kan Missionary te nèn kan thiam tâwkin kan kàwm a, a chanchin kan tì tìpui zui a, *“Zànah pawh ni se ka chang duh e. Ka tán haw rem lo si a, Biak Inah ka awm tlang mai ang,”* a ti ta a. Tichuan, zàn a lo thlen chuan lâwm takin Isua hnung zuitu tak ni tùrin kan insiam fel thei ta a ni. Lalpan ropuina chang rawh se.

Lalpa malsàwmna dang: Thrizino Bial chhúngah hian Crusade programme hi tân hma kum 20 vêl liam tawhah khán Bomdila Pastor Bial kan la nih laiin òm khat

chu an lo hmang tawh ngei mai a. Tân hnaiah kan la nei ngai hauh lo thung a. Tin, Bial mipuite hian **Healing Crusade** (tihdamna awm tel) ngei hi an beisei êm êm bawk. A hming kan vuahah ‘Healing’ tih kan telh loh avàngin mi tam tak a hnar sa tlat a; kal châk lo, tum lo thâwm kan hre nasa hle a ni.

Mahse Lalpa òhatzia kawng hrang hrangin kan hmu hnem hle a, chûng zínga a òthenkhatte chu Pathian ropui nán ka han tár lang châk a ni.

1. Crusade sènso min tumsaktu tùr Kohhran inpetak Lalpan min pe a. Mission Vengthlang Kohhran ten kan mamawhna hriain kan tán inhawng takin òtanpuina sum min pe a, kan lâwm tak zet a ni.

Crusade chhúnga Bial chhúng Kohhran hote Joint Mess (mahni thlenin lama chaw ei lova a huhova programme awm chhúng zawng ruai òteh zêl hi kan tih dàn a ni)-a kan ei tùrin sial talh kan rawt thlu a. A dâwn

ni thlengin a ram tlá an zawng ngat ngat a, 'an la hmu lo' tih bâk sawi theih kan nei lo; mahse, kan ãawngtãi tawp mai. A ãan ni a lo thleng a. Sial dang, kan crusade chhúng daih tâwk chiah (a bawp pakhat ruhkawla chuang) mai hi awlsam takin kan hmu fuh thei hlauh mai.

2. **Speaker ãha tak Lalpan min pe a.** Arawn thlen hlim aãangin a mizia tláwm tak maiah Kohhran mipui ten ei tùr kan hmu nghâl. Hindi a thiam êm êm mai a, kan mi leh sate hriatthiam tâwk zêla fiah leh Chiang kelh kawlin thuchah nung tak tak a sawi ãhin a, Kohhran mipui ten an ngaithla kham thei lo. Kohhran hlutna leh Kohhran belh hlâwkna te kan ngaithla nasa êm êm a, Lal Isuaa awm reng tùr kan nih thu min chah ngun hle a.

3. **Crusade pual hian Pathianni vawi khat Bialpum huapin chaw nghei ãawngtãi kan puang ve râwih a,** member ten kan ngaihluin kan ti tak tak hle mai. Kohhran

tinah rin aia ãha kan kal khâwm thei vek mai. Tin, hemi Pathianni vék hian **Crusade pual thawhlâwm lâk khâwm leh thilpêk pêk** theihna hun siam a ni a, kan rin phak bâkin Lalpa a chê a ni. Buhfai bag 2, Alu bag 2, Tel case 1, Chi Kg 10, zikhlum bag 3, artui case 1, kan Crusade chhúng zawnga kan ei zawh sèn loh kan dawng khâwm a; tomato, purunsen, betê, sawhthing, etc. kan dawng nual bawk a. Sum fai pawh ₹ 20,000 (cheng sing hnih) chuang zet kan hmu a ni. Kohhran dang unaute pawhin inphal takin pawisa anrawn thawh ve duh mai te kha a hlu ve riau a ni. Lalpa intumchawpna, a ãhatzia hi sawi thiam sèn pawh a ni lo.

4. Rev. P.C. Rohlira, kan speaker hi arawn kal lamah zànarawn thleng tùr kha *'Sai ram chhuak an hlauh avàngin Driver ten anrawn hruai thleng ngam dáwn lo,'* tih thu kan hriat rual rualin Bial chhúnga thawktuten ãawngtãi rualna hun hmangin a ãan kan ãilsak a. Mak deuh maiin

a rawn tlang theih thu kan hre zawm leh zat mai. Tin, a haw lamah a tluang viau dáwn emaw kan tih laiin **Myanmar thlawhna che sual** zarah a tum angin a haw thei lo hlauh mai a, zan khatin a chàm rei phah a. A tûkah ‘*Lengpuia tum lovin Silchar-ah ka tum ang a, tih dân awm ve mai ang,*’ tia ngaih tha pumhlûm lo angreng taka kan inthlah liam tâk hnuah kan tawngtai-pui chhonzawm leh a. Zing a lo ni a, Lalpa chuan Lengpuiah ngei a tum theihna tùr kawng a lo hawnsak leh tlat mai nia. Crusade hlawhtlinna hi a programme duan sa piah lamah hian kan dawng mawlh mawlh mai. Lalpa a tha a ni.

5. Crusade kan hmanna tùr hi **khua a vawh** êm avàngin khaw chin te kan inthlir lâwk a. **Ruah súr tùr angin a lang** tlat mai a. Ruah a tlâk chuan a vawt zual dáwn a, current awm tha lovin a zui mai awm sia tih nèn lam ngaihtuahnaah a lo lût a. Kan tawngtai thupui ber pakhtatah

kan nei a. Ruah chu a rawn súr ta ngei mai le. Mahse inkhâwm leh programme dang tikhawlhkham pakhat mah a awm lo va. Tin, current pawh awm loh cháng nei mah se, kan mamawh hunah tak regular takin a awm tluan zêl a (Pathianni inkhâwm bàn dáwnah kan hla sak laiin a awm lo ta chiah a ni).

6. Inkhâwm tùr Lalpan min pe tha êm êm a. Thlengtu lam chuan a tam berah 100-120 vêl kan hisáp ve tawp a. A tan zànah mi 76-in bul kan tan a. Zan hnihnaah 126 kan ni a, kan thathnem ber tum chuan 164 kan ni a. Kohhran dang unauten min hlutpui phian a. Kan Kohhran mi ngei kum nga chuang zet inkhâwm tawh lo te pawh an rawn inkhâwm a, thahnem an rawn ngai viau mai te kha a va làwmawm êm! Kan beisei aia tha zâwka min rèlsak thintu Lalpa hian kan dilna a lo ngaithla Chiang a ni tih kan hre nawn fo mai. Lalpa chu fakin awm rawh se.



PMS, HAMREN RAWNGBÀWLNA CHANCHIN

*R. Lalsangliana, Headmaster
Hamren, Karbi Anglong
Mobile No: 7002089548*



Kan Sikul hi Kum 1989 khan Karbi hnam tána a nunna hlântu, Nl. Lalsangliani hming chawiin 'Sangtei Memorial School' tiin, Para Church Missionary Nula pathum - Vungzapari, H. Lalbiakhluni leh Lalnunthari ten Rongkangtui (Hamren Veng Pakhat) hmunah an ðahnemngaihna in naupang 20 neiin an din a. A kum leh aţangin 'Mission English School' tia hming thlâkin, a hnu kum 10-ah 'Presbyterian Mission School' tia thlâk lehin, tûna sikul hming hi a pu ta a ni. A din tirh aţangin Sikul Naupang 3,001 *admit* an ni tawh a. Kum 2012 aţang khan HSLC Board Exam ðan a ni a, mi 242 pass kan nei tawh bawk. Vawiin thlengin zirtîr hna mi 144 ten he sikulah hian an lo thawk tawh a ni.

Kum tin zirlai naupang a zahve aia tam hi ringlo an ni tlângpui a. Zirlai an nih laia ringtua inpe sawi tham awm ðhin lo mah se sikul an kal laia Pathian thu leh fakna hla an ngaihthlâk leh sak ðhin te, kan inzirtîrna leh enkawl dân te hi an nun kaihruitu atán ðha leh pawimawh titu deuh vek an ni. Nu leh pa tel lova la khawsa thei lo leh sakhuanaa rilru la pe ðhûk tak tak thei lo an nih bâkah sakhaw biakna kawnga thu tlûkna la siam mumal thei lo an nih avàng

tein sikul an kal lai hi chuan naupang te zingah Kristiana inlet hi neih a har a ni.

Hamren khua hi Karbi Hnam pum pui lal rorèlna ðhuthmun leh an pipute aţanga an sakhua vawn 'Honghari' hmun pui a nih vâng hian sakhaw dang tán rawngbàwl a har a. He khua leh a chhehvêla kan sikul naupangte zingah sikul an kal laia ringtu a inpe sawi tùr tam tak nei lo mah ila, sikul an chhuahsan hnua Kristiana

inpe ta kan nei nual. Hêng mite hi an lawina Kohhran leh khawtláng tána mi ʔangkai tak tak leh chhawr nahawm tak te an ni hlawm a; he sikula zir chhuak tawhte aʔang hian Politician, Sorkar Officer, Khawtláng hruaitu, zirtirtu leh Department Head lo ni ta eng emaw zât an awm tawh. Hêng mite hi sikul hmasâwn zêlna atána thuràwn petu leh vawiin thlenga min thlâwptu ʔa tak tak te an ni.

Kohhran ʔhang zêlah he sikula zir chhuak te hi kohhran ban, kut leh ke, inngahna an ni chho zêl a. Kan Bial hruaituah te, Kohhran hruaituah te, ʔhalai hruaituah te, Kohhran Hmeichhe hruaituah te, Sunday School zirtirtuah te leh an zir chhuahna, he sikulah ngei zirtirtuah te a fawng vuantuah an rawn ʔang chho zêl a ni. He sikul hmanga rawngbàwlna hi Pathianin mal a sàwm hle a ni.

Thawktute rawngbàwl dàn tláŋpui:

a) Sikul hun chhúŋgin:

Kum tin Sikul naupang 600

báwr vêl kan nei ʔhìn a. Tûk tinin zirna ʔan hmain dárkár chanve Devotion kan nei ʔhìn. He devotion hunah hian Pathian thu sermon sawi te, Fakna hla te, Pathian thu chang vawn tír te, Kristian nun dàn ʔa te, etc. sikul naupang hriatthiam phâk tâwkin kan sawi ʔhìn a. Tin, Class I-VIII zirlaiah Pathian thu (Moral Science) kan nei a, he subject hmang hian naupangte hnênah Pathian thu kan hrih ʔhìn. Tin, kum tin Gospel Week (Láng Camp) Sikul naupangte tán kan buatsaih ʔhìn a. He hunah hian sual thu, suala kan tlûk chhiat chungcháng te, Pathian chhandamna kan mamawhzia thupuiah hmang-in hun kan hmang bawk ʔhìn.

Hei bâkah hian, naupang sikul kal lo nghâk ʔhìntu (Nu leh pa/Guardian) te tán Waiting Shed-ah Pathian thu chhiar duh te tán Gospel Track leh Bible kan chhawp-sak a. Tin, Film en duh tán Gospel Flim (Karbi ʔawnga leh) kan chhuahsak bawk ʔhìn.

b) Sikul kal hun piaŋ lam:

Ringtu zirlai tlawh hun leh ringlo zirlai chhúngkua tlawh hun a hrana siamin group-ah kan inthen darh a. Group Member-ten kan remchàn dàn angin a huhovin thla tin Sikul Zirtírtu zawng zawngte kan zirlaite tlawh chhuakin, kan feh chhuak thìn. Ringlo zirlai kan tlawh hian an nu leh pa/Guardian te hnênah sa-khaw chungcháng thu sawina hun remcháng zawngin Pathian thu sawiin inkawmna hun kan hman thìn. Pathian thu sawina hun remcháng kan hmuh loh chuan zirna kawnga hma an sâwn zêl theih nán te, an zirlaiah harsatna an neih leh neih loh te inzâwt chhuakin inkawmna hun kan nei thìn a; a theihnaah tawngtâin hun kan khâr thìn.

Ringtute thlarau nun tihchak nán te, than len zêlna atán te, chhúngkaw khawsak hmasâwnna atána thil tângkai leh pawimawh te, Kohhran tána mi tângkai an nih zêl theihna atán te, an faten zirna kawnga hma an sâwn zêl theihna atána thil pawimawh te Kristian nau-

pang kan tlawh hi chuan kan sawipui thìn. Kan sikul naupangte hi Hamren khaw chheh vêl hmun hrang hrang aṭanga lo kalte an ni a. A tam thei ang ber an inah kala tlawh chhuah vek hi zirtírtu-ten project-ah kan nei a, hmun thenkhat phe chu a hautak thìn khawp mai.

Tin, ringlo veng leh khaw thenkhatah hian Honghangri/Hindu RSS te hian hma an la nasa ve bawk a. Ringlo zirlai tlawhte pawh rem an lo ti lo thìn a, min hnar haw tum te pawh kan tawng ve bawk thìn. A cháng chuan zirlai kan tlawh chhúngte hnênah kan haw hnuin eng thu nge kan sawi tih te chipchiar takin an lo zâwt leh thìn.

Kum tin Nipui chawlh (July thla) lai hian Field Working Committee-in min beisei angin riak chhuakin tum hnih lehlángin bial chhúnga thawktu zawng zawng (Missionary leh a ram mi) ten ringlo khua, a remchànna hmunah Chanchin Tha hrih beihpui kan nei thìn

a, a zawngchhang tlâk hlein thawktuten kan hre thìn.

Thawktute hian hun remchàn dân angin Kohhran mite leh ringlo te inah kalin Lal Isua chanchin sawi te, damlo kan te, harsatna tâwk, ÷anpui ngaia awmte hnênah léngin rawngbàwlina kan kalpui thìn a.

Bial chhúng kohhran hrang hrangte enkawltu tùr kum tin kan inruat thar thìn a. Hêng Kohhrante hi kohhran puitling tak ni tùrin kan phâk ang tâwkin kan enkawl ve a. Kan theih ang tâwkin taksa leh thlaraudah hma an sâwn theih nán ÷awngtâina nèn kan la thawk ve zêl thei a, hei hi thawktute rawngbàwlina kawnga min tichaktu a ni.

Khawtlánga Sikul din-hmun: He khuaah hian High sikul chin (Sorkar - 5, Private - 7) hriat theih chinah a awm a. College, Higher, Middle leh Primary Sikul eng emaw zât a awm baw a. Kohhran páwl dang - Roman Catholic, Baptist Mission, Adventist,

Church of God, ICI, Beliver ten Sikul hawngin rawngbàwl hna an thawk ve mék baw a.

Keini Sikul hian a bul lo ÷antu te, he sikula lo thawk tawh te, he khuaa mission rawngbàwlina hna lo thawk tawh te, etc. ÷ahnemngaihna leh he khaw tána báng lova ÷awngtâina hlântute avàng tein an thawh rah vawiin thlengin kan seng mék zêl a. A sikul awmna hmun laili vàng te, he khuaa mission rawngbàwl hna lo thawk tawh leh thawk mék te thawhna avàng te, he sikul hmanga zirna ÷ha tak, a huap zau thei ang bera mi rethei leh hnuaihnung berte thlenga kan pêk avàng te pawh a ni ang e, sorkar office leh khawtláng mi te lakah hmun kan luah thûk tawh viau mai.

Sorkar programme hrang hrangah hriat kan hlawh ve hle a, Khawtláng huap thilah pawh sàwm ngun páwl tak kan ni baw a. Khaw chhúnga mi awm thei leh mi pawimawh – MLA, Town Board Committee, Depart-

ment Head & Officer, Khaw awptu (GB) ten an tu leh fate sikul luhtirna tlâkah min ngaiin an rawn admit ve tan a, kan lâwm hle.

He Sikul hmanga mission rawngbâwlina kan kalpui hi kan duh dân leh beisei ang duak duakin a *result* hmu nghâl zung zung thîn lo mah ila *direct evangelism*-a rawngbâwltu - Evangelist, Nurse, Pastor, Gospel Team, etc. rawngbâwlina sât kawtu a ni a. Sikul dinna kuaah chuan ringlo te inah lèn a awlsam bîk, 'Chumi khami sikul atanga lo kal te kan ni,' tia sikul hming an sawi chuan ringlo inah lèn theih lohna a awm lo tih theih a ni. Chuvàng chuan Sikul rawngbâwlina hi a sênso hautakzia chauh zâwnga thlir chuan a dikna chen awm mah se rawng kan bàwlina atân a chawchah/tawktarha kan hman langsar ber a ni si. Sa awh nân tawktarh kan hmang thîn ang hian thlarau bo manna atân vawiin thlengin Pathianin Karbi mite hnêna

Chanchin Tha puan nâna kan sikul a la hmang hi thawktute kan lâwmna a ni.

Aw le, Kan rawngbâwl-nain hma a sâwn zêl theih nân in hun remchâng apiangah min lo rawngtaipui tûrin ka rawn ngên che u a, hêng kawngah te hian rawngtaipui kan ngai hle:

1) Sikul rawngbâwlina hma a sâwn zêl theih nân leh naupangten Lal Isua an rin theih nân.

2) RSS leh Karbi Pi Pu te Sakhaw vawn (Honghari) te hma lâkna avângin ringthar neih a har thîn hle mai a, Karbi hnam zingah Lal Isua ringtu an pun zêl theih nân.

3) Karbi Kristiante Lal Isua rinna kawnga an din ngheh tlat zêl theih nân leh Karbi Anglong Mission Field-ah Lal Isua ram a zau zêl theih nân.

*'Mi kir ramah lo kai la, mi
pui rawh'.*



BUH HMUN PAWH A NI LO; HLÍNG HMUN A LO NIH HI

‘Ka khawngaihna i tán a tâwk e; ka thiltihtheihna hi chak lohnaah asin tihfamkima a awm ni.’

*Lalchhandami, Evangelist
Tamulpur, Assam Mission Field
Mobile No: 9570597661*



Rawngbáwltu mitthlaah chuan – “*Nakínah chuan kan la thi ve ang a. Kan thlarau chu vànah kalin, rawngbàwlina avànga kan tuarna ser te leh kan hnathawh kawr hlui tak nèn thlarau bo tam tak kaiin, vànram kawngkaah kan inzui lût duah duah ang a. Isua leh mi thianghlim kal hmasa ten min lo hmuakin, ‘E, an lo thleng ta,’ tiin hlim takin kut an lo beng hluah hluah ang a. Thenkhatin, ‘I zarah Isua hriain, hei Vànram ka kai ve asin’ tiin làwm thu te min lo hrilh ang a. Kan inchibai suau suau ang a. A va ropui dawns êm!’*” tiin phûr takin rawngbàwlina kan han tan a.

Awi! a lo ni thlâwt si lo. Vànram kawngkapui luh hmain a kaih luh tùr kan han zawng khâwm dawns tan a. A lo namai lo khawp mai. Tawlailir ke hma lama *jam* kam khalh tlat, nawr kal tum țang țang a, a țang tlat ang hian a va sak tak êm! Tlém a tawlh hret a; mahse, a aia thui hnung lama a rawn lir lêt leh ang mai hi a niin ka hria.

Ringthar pakhat nei tùrin a lo berah kum khat aia rei mah ngah a ngai. Thingkung

hi phun ta ila. Chumi niah chuan ringthar zawng tan ila. Thingkungin zár a neih bum hnuaah pawh pakhat kan la khalh leuh leuh cháng a va tam tak êm! Pakhat chauh pawhin Isua a pawm theih nán kan thlêm a, kan zilh a, kan zirtír a, kan tlawn titih a; an lungawi lohva an kal bo daih hlau bawh siin, kan kal hual a, kan han thlah fál leh deuh va, kan hlat lutuk ngam bawh si lo. Tan lutukna lamah hian kan duat khaw lo ang a, ringtu tha lo kan chhuah kan hlau

bawk si. A ringtu zâwk hi kan inring tâwk (*confi*) lo ngawih ngawih fo thìn. Chûng zawng zawng hnuah Baptisma an han chang ve hrâm a. Baptisma an chan ni tùr Pathianni zingah pawh thaw dèp dèpin kan la òawngtai cháng a va tam êm! Vàn kawngkaa hruai duah duah tumna rilru nèn chuan inpersan tak a ni. Beidawn rum rum avànga inthlahdah cháng leh òan ulh avànga ùm bo duak cháng pawh kan ngah ta ve ang.

Kan rin êm êm – ‘*Hei chu engtikah mah a tlu tawh lo vang. A rinna a òa êm mai,*’ tia kan ngaihtatpui ve êm êm ten zan khat thil thuah kohhran dangah min pemsan thut cháng te leh ‘*À, hei chu missionary awm lo mah sela a rin tlâk tawh e,*’ kan tih ten harsa ve taka kan hui khâwm ve member te, a chanve hnawh mai an han indanpui thut mai cháng te lah bo lo. Kan han pàwr ve deuh dâwn a. Mikhual, pèm leh hun tùr pawh hriat loh na nâ nâ chu a ram mi te ai chuan min thlang lo zâwk fo mai si a.

Thinurin emaw kan dikna ngeiah pawh han hau ve dâwn ila, khawtláng kan tithinur ang a, rawngbàwl zui zêlna kawng a ping zo ang tih hlauhna nèn, tlâwm ru vawng vawng hian kan rûm kâwk kâwk fo mai.

Thênkhat lahin therhlo beisei nei rânin Missionary In tùk zàn an luh chhuah a, kan zia leh an zia eng mah inang lo ta na nâ nâ chu dawr dân chin tâwk lah kan thiam tâwk thei dêr lo. An rin ve hlauh takin tia beisei ru chung si, an rilrua an tum hre ru tho bawh siin kan han awm a. Pathian nung betu zâwk hi kan zâm ru veng veng thìn.

A cháng leh ‘*Isua pawh a thinrim ve kha maw,*’ tiin kan lungawi lohna leh kan duh loh dân te kan han tilang ve viau dâwn leh, an in fuihpawrh kual ang a, inkhâwm-pui tùr kan inhmu zo lo mai ang tih kan hlau rilru tho bawh si. Dim lutuk avànga enkawl sual hlau si, khauh lutuk avànga hnawh òiau hlau bawh si hian kan òang ru òung

mai a, a buk tâwk thiam a va har thìn êm!

Zànah kan han mu a, *“Hei chu rawngbáwltu chan ve tùr alâwm,”* tiin kan han inthlamuan chawp thìn. Mahse a tak takah chuan mahni rinna pawh inringhlel rum rumin, *“Thlarau Thiang-hlim hian min kalsan ta mai em ni ang? Lalpa hian a rawngbáwltuah hian min pawm tawh lo em ni dâwn? Ka ãawngtâina hian Vàn a lo thleng zo tawh lo em ni ang?”* tiin, thil ni thei zawng zawng nèn ro takin khum bulah kan han thingthi leh a. Rawngbáwltu hi a va khawro theiin, a va khawhar thei thìn êm! A cháng chuan, **“Buh hmun pawh a nih loh hi; Hlíng hmun a nih hi,”** ti tein ka ngaihtuah a.

Chutih lai tak chuan, *“Didi, ka pa kha a danglam tawh lutuk asin. Ka nu nèn an inhau miah lo. Zú pawh a in tlém khawp mai. Inah a awm a, ni tin ka nu nèn hna an thawk a, an nui dùn nasa thìn khawp mai. Kristianna chu a*

la pawm lo nâ a, Kristian ka ni tih hi a pawm thlap tawh asin. Ka piana hnu lama kan chhúngkaw hlim ber thla a ni. Pathian hi a awm ngei a ni,” tia, Kristian tlangval pakhat, a pa pawhin a hnawhchhuah, Kristiante leh keini hmél pawh hmu duh thlâwt lo khawpa min hawtu, a nupui pawhin ina a lo haw a hlauh zek zek zâwkin a nun tlém têin a thlâk a ni tih kan han hre mai chu - không kan inngaihtuah khawngaihtlâkna zawng zawng khi a bo duak a. Mittui tla zawih zawihin awm hmunah, *“Haleluiah! Lalpa, ka lâwm e aw. Kan ãawngtâinain vàn a la thleng Chiang e,”* tiin kan zai leh thei thìn.

Vànram khawhar taka thlarau bo tel lova lut tùra inngai tawh kha Vànram kawngkaa thlarau bo tam tak nèna kan lût lai kan mitthlaah a lo chám leh thei thìn. Nazareth Isua a la kal liam lo a ni tih kan hriatna hian chakna min pe thìn.

Chhàнна hriat tumin Lalpa chu kan díl a, Chhàнна

rêng rêng a awm si lo va; hian alâwm khawngaihna hi
Mahse ka thinlung chhúngah a lo nasat fo le.

hian ‘*Ka khawngaihna i tán a
tâwk,*’ min ti. Chak lohnaah

Lalpa ropui ber rawh se.

Tum khat chu Chief Justice Chase-a, Virginia (USA) hi
Rel Station lian lo taka a awm laiin chu lai hmun chu Patrick
Henry-a pianna hmun a ni tih an hrilh a (*Patrick Henry-a chu
America ram hruaitu hmasate zínga mite ngainat leh ngaih sàñ
hlaauh tak mai a ni a*). Rel chawlhna hmun chu rang taka kalsanin,
a khaw thleng mawi tak chu a thlir kual a. Chu khaw mawizia leh
boruak nawmzia chu sawiin, “*A boruak a va nuam tehlul êm! Hêng
tláng mawi tak takte hi a va hmuhdawm êm! Patrick Henry-a sei
lenna hmun ni àwm rêng a ni,*” tiin a fak mawlh mawlh a. A bula
chu khaw mi hlun tak pakhat lo awm chuan, “*Ni e, ka pu, i sawi
dik khawp mai. Chutih rualin, hêng tláng leh ruam mawi tak
takte hi a la pangngai reng a; mahse, kan khuaah hian Patrick
Henry-a ang hi mi dang hi kan awm tawh ngai lo,*” a lo ti a.

Tûnlaiin mi thiam thenkhatin kan sei lenna hmun hi ka
nun chhertu niin an sawi a. Eng emaw chen a dik nân, a dik
tluantling lo va; he ngaih dân hi kan nun inngahna atána hman a
him lo a ni. “*Nazareth khuaah thil tha a chhuak thei em ni?*” tia
mite ngaih sàñ loh, Nazareth khuaah khán Lal Isua a lo sei lian a ni.

I sei lenna hmun leh chhúngkua a sitawm a nih pawhin
Lalpa i zawnga, Thlarau Thianglim chènna atán i inphal a nih
chuan i bul lamah tê mah la, i tàwp lamah i lian ang. Lal Isuan,
“*Kei zawng nun an neih nán, tam taka an neih nán lo kal ka
ni,*” a ti. Mi bawrhsáwm tán, mi chak lo tán, mi rethei tán, mi
sual tán a lo kal. Amah hi Alpha leh Omega, a Bul leh a Tàwp a
ni. Lal Isuaah tàwp ila, amahah ral ila, kan sei lenna aiin korî a tu
zâwk ngei ang.

SERCHHIP VENGCHUNG KOHHRAN RAMTHAR HUAN

Lalngnakmawia, Secretary
Serchhip Vengchung Ramthar Comt
Mobile No: 8794035465



Serchhip Vengchung Kohhran Ramthar Sèr huan hi kum 1996 khán Pi Rokami (Serchhip Vengchung) ten an Sèrthlum kûng 50 vèl awmna chu sèrthlum nèn Kohhran Ramthar Committee an pe a. Kum 1998-ah a ram zawng zawng chu ‘ 6000-in leisak leh an ni a. Committee-in vah zauh belhin nimbu phun a ni a. Sèrthlum rah eng emaw zât pawh hralh a nih hnuah a tám zo ta vek a, a pawl kan tiin kan ui hle mai a. Amaherawhchu, kan nimbu phun te enkawl zêl niin, Pathian zárah an puitling ṭha hle mai a, tânah hian kûng 200 vèl kan nei mék a ni.

He Kohhran Sèr huan hi Serchhip leh Thenzawl inkár, Serchhip lam aṭanga kala Mat Lei (Bridge) thlen hma kawng chhaka awm a ni a. Serchhip Vengchung aṭang hian Km 14 bawr vèla hla a ni. Sèr huan thleng hian motor lût theiin, thlam nuam leh zau ṭha tak a awm a. A kawt záwl zau leh nuam tak maiah hian zo tui thiàng vawt tui tak mai *pipe* hmanga lâk niin, ṭhálah pawh a kang ngai lo va, a hmunhma a nuam hle bawk a ni. He sèr huan hi hnatlánga sàm ṭhin niin, kum khatah vawi hnih

kan sâm tlánpui ṭhìn. Tânah hian sèr zawng zawng hi puitling vek tawhin, huan ram âwl pawh sàm belha phun belh zêl kan tum bawk a ni. Sèr rah lawh hnatláng pawh hi kum khatah ṭum 2/3 neih ṭhin a ni a. Kohhranhoten a sàm hnatláng leh Sèr lawh hnatláng kan ngai pawimawh hle ṭhìn. Kum tin Ramthar Ni (August 31)-ah hian a hun hmasa ber atán sèr lawh hnatláng kan nei ṭhìn a ni. Kum khatah hian pick-up *trip* 4-6 kan thar tlánpui ṭhìn a, Sèr tui 700-1000 liter kan sáwr ṭhìn bawk.

Kan sèr huanah hian Kohhrana Department hrang hrang te kan thawh hona a ropui thìn hle. Sèr kan lawh hian Ramthar committee-in Kohhran Hmeichhe kutah a sil fai leh hrûk fai hna te, Kristian Thalai Pawl kutah a sàwr hna te kan dah tawp a. Annin, “Kan tih tur rêng a lawm,” ti ni àwm tak hian phûr tak leh hlim takin an thawk mai zêl a, a ropui thìn hle a ni. Ramthar Committee hian Sèr sàwrna pali lai kan nei bawk a, chu mi hmang chuan kan sàwr mai zêl a ni.

Chanchin Thā kan hrilna kawngah Lungthu pawimawh tak a ni ta. He sèr huan hi lamhla deuh mah ni se kan phûr êm êm mai a. A rah seng a lo hun hian thinlungah Ramthar lama kan mi hrât, ta neih tlat leh a bul lo tuntu mual liam ta te an thar thìn.

Pathian ram Chanchin Thā hrilh nán hian kan Pathian hian eng pawh a duh chuan a hmang thei a ni tih he sèr huan aṭang hian a takin kan hmu leh zual bawk a ni.

Pathianin a ram a zauh He Sèr (Nimbu) huan hi zêl nán, kan theih theih tâwp kan Kohhran tán chuan i chhuah zêl ang u.

Revival Speaker lâr tak pahni – Dr. Theodore Cuyler-a leh Charles Spurgeon-a te thian dùn hi ni lum ai pahin an ti tî a. Dr. Theodore-an fiamthu nuihzatthlâk deuh a han thawh chuan Spurgeon-a

Dr. Theodore
Cuyler-a



Charles
Spurgeon-a

nuihza lutuk chu a nui khûr char char mai a. Nakín deuhvah chuan Spurgeon-a chu rawn hawi chhuakin, “*Theodore, Pathianin hetiang taka zâa min nuihtîr hi a làwmawm êm mai, a hnênah làwm thu i sawi teh ang,*” a rawn ti a. Thuhrltu ropui pahnihte chu hnimah chuan thingthiin, hlim taka nuihtirtu Pathian hnênah làwm thu sawiin an tawngtai ta a ni

KÁWL PASTOR, REV. DR. C. VANLALHNEMA NÈN



Ramthar
(RT)

Rev. Dr. C. Vanlalnema
(VLH)



Synod Office-ah Rev. Dr. C. Vanlalnema I/c Káwl (Masihi Sangati) leh a nupui Pi Vanlalngurawithangi te an lo léng a. Inkawmna hun kan hmang thei a, a vannéehtlâk hle.

Ramthar – RT; Rev. Dr. C. Vanlalnema - VLH

RT : Pu Hnem, i Testimony min hrilh thei em le?

VLH : Hrilh thei e, Upa K. Thangsiama rawngbàwlina 1976 kuma piangthar ka ni. Ka pianthar hma hian PHD (*Doctor of philosophy ni lovin*) P=Powerless, H= Hopless, D= Drunkard ka ni ve a.

RT : I zirna lam min han hrilh la, hriat a châkawm e.

VLH : Matric hi Kalamyo High School-ah, BA (History) chu Mandalay-ah, BD chu Bishop's College Calcutta-ah leh D. Th. chu USA (Mid-West seminary of Bible Theology-ah ka zir zo ve a

RT : I rawngbàwlina hmunte min han hrilh la.

VLH : Hêng Evangelist - Thangsiama, Upa B. Vanlal-

hruaia leh Upa Chuailova te hnung zui hian hmun hrang hrangah rawngbàwlin ka kal ve thìn a ni.

RT : I rawngbàwlina chanchin min hrilh leh la.

VLH :

1) Kum 1976-78-ah Evangelist-in Kalay Kabaw leh Chin State te ka fang.

2) Kum 1980-88-ah Naga (Myanmar) hnam zingah Missionary-in ka kal.

3) Kum 1988-89-ah Meo (Maru) Hnam zingah Traveling Missionary-in ka kal.

4) Kum 1992-93-ah Tahan Theological College-ah Lecturer ka thawk.

5) Kum 1993-98-ah TTC-ah Registrar hna ka chelh chhunzawm.

6) Kum 1995-ah Pro Pastor

niin 1998-ah ordain ka ni;
Kum 2000 aţangin Yangon
khawpui chhúngah awmin
Káwl hnam, Buddhist-ho
zíngah rawng ka báwl a ni.

RT : Lehkhabu engte nge
i ziah tawh le?

VLH :

- 1) Lalpan a chhandam mek
[Dhai & Naga
- 2) Ram sawmte Thawnthu
[sawm
- 3) America President-te
[chanchin Vol - I
- 4) America President-te
[chanchin Vol - II
- 5) Hringnun Thufingte 550-
- 6) Hringnun Thufingte 777-
- 7) Dictionary of Thufingte Bu
[I-na
- 8) Dictionary of Thufingte Bu
[II-na
- 9) Dictionary of Thufingte Bu
[III-na
- 10) Encyclopedia of Thufingte
(Unpublish) te hi a ni e.

RT : Hla eng zât nge i
phuah le?

VLH : Ẹawng chi li - Mizo,
Sâp, Naga leh Káwl Ẹawng tein
hla 100 vêl chu ka phuah ve
tawhin ka hria. Ka Mizo hla

phuah zínga ka duh zual
deuhte chu:

- (1) Samdalism
- (2) Tunah
- (3) Vanram Ticket
- (4) Tuai loh Chem
- (5) Ẹhangthar Mi sual
- (6) Zawng Mawng Khak
- (7) Ka ngaih nêp ber te
- (8) Zalenna Dik Tak Chu
- (9) Aw, A va mak êm!
- (10) Lalpa Ẹawngtâina

Hêng hlate hi mite
pawhin an ngaina ve viau niin
ka hria.

RT : Fanau rila rah eng zât
nge i neih?

VLH : Fapa panga leh fanu
pali, a zavaîin fa pakua kan nei.
Kan fate chu hêngte hi an ni:

- (1) Deni BA, MBA
- (2) Siami LLB, DBL
- (3) Tei BA (Sociology)
- (4) Tluangi BV Sc
- (5) Hlua BV Sc
- (6) Hlima BA (Cinema)
- (7) Mawitea B Sc (3rd yr
Physics)
- (8) Sangpuia BA (2nd yr)

Tin, tû hi paruk kan nei
ve tawh a:

- (1) JuJu-i Malsawmdawngi
- (2) Jenny-i Malsawmkimi
- (3) Junior Malsawmtluanga
- (4) Lalhruaitluanga
- (5) Gloria Vanlalduhawmi
- (6) Rebecca Vanzotheri te an ni.

nèn Rev. R. Lalhminganga,
Board Secretary hnênah kan
lêng a. Ani chuan ding meuh-
vin ʔawngʔaina te a hmang a.
“I nau, Rev. Lalsawichhunga
chuan rei pawh rawngbáwl
hman lovin min liamsan ta si
a. I nau ai hi rawn awh mai ta
che,” tia min sàwmna chu,
“Kum 71 lai ka ni tawh a. Kum
upa leh tar ka ni tawh a.
Pathian tán tam tak thawk
thei tawh lo mah ila, tih theih
tlém chu ka la nei ang chu
maw?” tiin, mahni insit êm
êm chungin ka nupui fanau te
remtihna, he hna zahawm
tak hi ka thawk ve ta a nih hi.

RT : Eng vanga Masihi
Sangati Káwl Pastor hna hi
thlang nge i nih le?

VLH : He rawngbàwl na
(Masihi Sangati i/c Kawl) hi
Rev. Dr. Vanlalmawia khân
kum kua lai a lo chelh tawh a.
A hriselna a tlâk hniam tâk
deuh avàngin chawlh a dí a.
Synod Mission Board chuan
he hna thawk chhunzawm
tùrin Rev. Lalsawichhunga (ka
nau) chu ni 15.1.2023-ah a la
a. Nimahsela, ni 24.1.2023-ah
chuan lung lam ʔat lohna
avàngin Aizawl Civil Hospital
ICU-ah Lalpa kohna dawngin
min kalsan leh ta mai a.

RT : ʔha takin kan
inkàwm thei a, kan làwm hle
mai. Mizorama Káwl awmte
Lal Isua hnêna hruai thleng
ngei tùrin Lalpan malsàwm
che rawh se.

A fapa, Rev. Gospel ʔana

VLH : Kei pawh ka làwm e.

Kut hnathawktu pakhat hian mi thiamho inhnial
(debate) en hi a uar hle mai a. Vawi khat chu Latin ʔawng a
thiam leh thiam loh an zâwt a. Chu pa chuan, “*Thiam teh
suh e. Mahse, an inhnial hian a dik/thiam lo zâwk ka bre
thei,*” a lo ti a. A chhan an zawh chuan, “*A thinrim hmasa
zâwk hi a thiam lo an ni thên,*” a lo ti awlsam êt a.

RAMTHAR FEH

1.

1. Field hming : Karbi Anglong Mission Field
2. Khua : Longnit Borjan Kohhran
3. Tlawh hun : Ni 30.10.2023 - 5.11.2023
4. Tlawhtu : Serchhip Vengchung Kohhran
5. Kal zât : Mipa -14, Hmeichhia-4
6. Tlawh chhan : Bial In sak (Brick rem, etc.)
7. Sênso : ₹ 99, 670.00

8. Làwmawm lam: Ni 30 Oct., 2023 zànah Vengchung Mual aṭangin Upa Vanramnghakn ṭawngṭaiin a kal tùr te min thlah a. Tlai dár 6:30-ah Sumo pahnih hmangin kan chhuak nghâl a. Zàn khuua kan tlàn hnuah a tûk tlai dár 3:15-ah kan *Work Camp*-na hmun tùr, Longnit Borjan Kohhran Biak In tual chu tluang takin kan thleng a. Thawktute leh Kohhranhoten min lo hmuak a. Inhmélhriattírna leh thingpui in hona kan neih hnuah, kan riah khâwmna tùrah kan indah fel a. Brick remna tùr ban leh *beam* te kan chik nghâl a. A tûk zing dár 5:30-ah bung ṭanin, brick rem hna thawh nghâl a ni a. An brick neih sa 3,000 chu kár lovah kan rem zo ta mai a. Thawktuten brick ngaihtuahin, ṭum hnih lai an lei belh a. Tichuan, brick rem ngai chin hi Inrinni chhùn dár 1:30-ah kan rem zo thei a ni. Brick 8,000 chuang zet kan rem a; brick rem bâkah hian Gallery ban tùr pahnih kan phun a. Chokut panga kan siam a, Pastor Quarters Tui internal fitting kan khawih tel bawk a. Kan hnathawh chhúng hian zing dár 5:30-ah ṭanin zàn dár 9:00 thleng kan thawk ṭhìn a ni. Tichuan, ni 5.11.2023 tlai dár 5:30-ah tluang takin mahni in lum kan thleng leh thei a ni.

9. Report ṭûl dangte:

- 1) Kan Biak In sak (70x32 ft) liang sán zâwng feet 16 a ni.
- 2) Kohhran member 203, Dàn zawhkim 132, Kohhran In 38, Kohhran Upa panga, Tual Upa pathum an ni.

3) Kan chàm chhúng hian Nilai zàn inkhâwmah kan Kohhran Upain Longnit Borjan Kohhran tána a pêk, Keyboard a hlàn a ni. Inrinni zàn Inkhâwm leh Pathianni chawhma inkhâwmah kan Upa ten Pathian thuchah an sawi.

4) Pathianni chawhnu inkhâwmah ringthar Baptisma chang panga an awm a. Ramthar Field *Work Camp* neih laia Baptisma chang kan hmu hi a ropuiin, a làwmawm hle mai. Pathian ropuizia pawh a lang a ni.

5) Longnit Borjan Pastor Bialah hian thawktu – Pastor pakhat, Evangelist Teacher paruk, Evangelist pakhat, Nurse pakhat leh Field worker pakhat an awm mék a ni.

6) Kan chàm chhúng hian Bialtu Pastor, Kohhran Committee leh Thawktu ten chawhlui min siamsak thìn a. Pathianni tûkah mahni thlen in theuh (Iptepui bàna)-ah tûkthuan kan kîl ho baw.

7) Kan tlawhte hian a kal zawng zawng te hi an hnam chawimawina hlu tak - Iptê leh puan awrh chi (Scarf) min pe a. Thawktu lam tângin lukhum leh kawr te kan *dawng* baw a, kan lâwm hle a ni.

Kohhranho te leh Thalai ten an thiam ang ang leh an theih dân dânin ei leh inah te min duhsakna an lantír tih kan hmu a, kan lâwm tak zet a ni. Kan hnathawh chhúng hian thawktu te leh Kohhranho ten min pui thìn a, a làwmawmin kan inpawh tláng a, nuam kan ti hle. Kan haw dáwn phei chuan mittui tla zawih zawih tâwk te an awm a ni.

SMB Secy., Field Secy., Longnit Borjan Bialtu Pastor leh kan Kohhran (Vengchung) Committee ten kan dilna te min remtihsak avàngin kan lâwm a. Tin, Kohhranhoten min tawngtaipuinaah kan lâwm a. A tàwp berah chuan kal kawng thui tak kan kal chhúng leh kan chàm chhúnga harsatna eng mah tâwk lova min awmpuia min hruaitu, kan Pathian chungah kan lâwm hle a ni. Theih tâwpin Ramthar Field-a thawktu te tán tawngtaiin tan i la thar zêl ang u.

Lalngahkmawia, Ramthar Ziaktu (Asst.)

2.

1. **Field hming** : Home Mission North
2. **Khua** : Chhimluang (Tripura), Tuidam Bial
3. **Tlawh hun** : Ni 20-25.11.2023
4. **Tlawhtu** : Republic Veng Kohhran
5. **Kal zât** : Mipa 12
6. **Tlawh chhan** : Work Camp
7. **Hnathawh** : Biak In ceiling leh thutthleng siam
8. **Sênso zât** : ₹ 1,83,500

9. Làwmawm lam: Republic Veng Kohhran Ramthar Committee-in kum 2023-a kan project pakhat ‘*Work Camp* neih’ tih chu kan tihhlawhtlin theih avàngin kan lâwm hle. Kan la kal ngai lohna hmun leh khuaa hnathawk kan ni a. Kan thawh chhúng zawnga harsatna eng mah tâwk lova, a tâwp thlenga hna kan thawk thei leh thawktu, missionary te leh Kohhran ho te min beiseina ang te tha taka tizo theia kan awm kha Pathian vèna leh awmpuina kan chang a ni tih kan hria a, làwmawm kan ti hle a ni.

10. Report tùl dang: Ni 20 November, 2023 (Thawhtanni) zing dár 7:20 -ah Biak In kawt atàngin Sumo pahnih leh Pick up pakhatin kan chhuak a. Rawpuichhip-ah zing dár 9:00 vêlah tùkthuan kan ei a. Tluang takin kan kal zêl a, chawhnu dár 1:00 vêlah Tuidam khuaah chhùn thingpui kan in a; tichuan, Pathian hruainain, chawhnu dár 2:30-ah Chhimluang (Tripura) chu kan thleng a. Thawktu Pu H.C. Sangliana te chhúngkua leh Kohhranhovin an quarters-ah min lo dawngsawng a. Thingpui in hovin, Pathian hnena làwm thu sawina leh inhmélhriattírna te leh report tlángpui te kan neih zawhin, hnathawh nana tùl leh pawimawh hrang hrangte kan buaipui ngâh a. Zàn dár 8:30 vêlah an Kohhran Treasurer inah kan riak khâwm a ni.

Ni 21 (Thawhlehi) zing dár 6:00 vél ațangin kan hnathawh tûr, Biak In feet 18x30-a zau, ceiling siam kan țin ngâh a. Dár 9:00 vêlah a chuanna tûr mau leh thingphêk kan dawh zo va. Tûkthuan kan ei a, tûkthuan ei khamah kan chhunzawm leh a, khaw ên chhúng zawng kan thawk a; chutiang chuan ni tin zing dár 6:00 vél ațangin ngawrh takin kan thawk țin a. Kan kal tirhah Pathianni cháma, Thawhtanni-a haw tuma kal kan ni a. Amaherawhchu, Pathian awmpuina leh hruaina zarah Zirtâwpni ni 24-ah kan tih tûr ang - ceiling leh ținthleng siam te chawhma lamah kan zo fel vek a. Tichuan, tlaiah Kohhran member te leh ringlo mi eng emaw zât nèn ruai kan țin a. An Kohhran member hi an vaiin 66 an ni a, ruai țin zawng zawng hi mi 120 vél kan ni a, a làwmawm hle. Tichuan, zànah kan inkhâwm a, Work Camp-a kal ten inkhâwm hruai leh thuhril te kan chang a. Biak In katin kan inkhâwm a, kan hlimin nuam kan ti hle.

Ni 25 (Inrinni) tûkthuan ei kham dár 9:30 vêlah kan *Work Camp*-na hmun Chhimluang (Tripura) chu kan hawsan ta a. Pathian hruaina leh awmpuinain, tluang takin chawhnu dár 3:30 vêlah Aizawl kan thleng a ni.

Lalfakzuala, Ramthar ziaktu

3.

- | | |
|----------------|-----------------------------|
| 1. Field hming | : Barak Area |
| 2. Kohhran | : Langkhanphong |
| 3. Tlawh hun | : Ni 21 -27 November, 2023 |
| 4. Tlawhtu | : Ramthar North kohhran |
| 5. Kal zât | : Mipa - 19; Hmeichhia - 3 |
| 6. Tlawh chhan | : <i>Work Camp</i> Sunday |
| 7. Hna thawh | : School Hall (20'x34') sak |
| 8. Sênso | : ₹ 1,40,000 |

9. Làwmawm lam: Ni 21.11.2023 (Thawhlehi) zing dár 7:00-ah Biak In kawt ațangin Bus-in kan chhuak a. Kan chhuah

dáwn hian Ramthar Committee Chairman, Upa Lallianmawian tawngtaiin min thlah a. Tluang taka kalin Upa Raama leh Evangelist Saiengliana ten Kanhmunah min lo hmuak a, Langkhanphong chu chawhnu dár 3:50-ah tluang takin kan thleng a ni.

Sunday School Hall sak tùr hi ni 22 (Nilaini) zing kárah Pathian hnêna hlanna neih a nih hnuin hna kan tan nghâl a. Zing atanga niléngin, a thawh theih hun chhúng zawng kan thawk a. Ni 25 khán Langkhanphong Kohhran Sunday School Hall chu tluang taka zawh fel a ni ta a ni.

Work Camp neih chhúng hian zàn lam leh Pathiannah te Pathian Biak Inkhâwmnaah hun min hmantír vek a ni. Kohhranhote nèn inlungual tak leh hlim takin hna kan thawk ho va; tin, a bul hnaia awm Rangamati pawh kan tlawh nghâl a ni. Tichuan ni 27 (Thawhtanni) zingah Upa Raaman tawngtaiin min thlah a. Tluang taka hawin hemi zàn dár 6:00-ah kan veng chu kan thleng leh ta a ni.

R. Lalramchhuana, Ramthar Treasurer

4.

- | | |
|-----------------------|-----------------------------|
| 1. Field Hming | : Cachar Tlangram |
| 2. Khua | : Jugicherra, Assam |
| 3. Tlawh hun | : Ni 27.11.2023-1.12.2023 |
| 4. Tlawhtu | : Falkawn Hmar Veng Kohhran |
| 5. Kal zât | : Mipa - 18; Hmeichhia - 8 |
| 6. Tlawh chhan | : Work camp |

7. Làwmawm lam: Ni 27.12.2023 (Thawhtanni) zing dár 6:30-ah kan Biak In kawt atangin City Bus-in kan chhuak a. Chhuah dáwnah Upa Lalthara, Ramthar Committee Chairman a tawngtai a. Kan kal tùr hi kan phûr tláng hle mai a. Kan Kohhran hi kum 28 kan ni ve ta a. Ramtharah kohhran anga kan feh chhuah vawi khatna a ni. Kohhran Committee pawh an phûrin an inhawng êm êm a ni.

Kohhran Upa pathumin min ho thei a. KṬP OB, Kohhran Hmeichhe OB, Pavalai OB, Senior Department zirlai te leh Kohhrana mi ṭhahnem ngai tak tak te, kan kohhran Masihi Sangati Evangelist te nèn hlim takin zin kawng kan zawh a. Kan Driver-in motor a khalh dam nuam êm êm mai a. Motor rui nasa ṭhin êm êm te pawh rui kan awm miah lo va, kan lâwm êm êm a ni. Jugicherra chu tlai lam dár 5:30-ah tluang takin kan thleng a. Thawktuten min lo hmuak a, zanriah min lo buatsaihsak a, kan lâwm êm êm a ni.

Ni 28 zíng kár aṭangin hna kan thawk ṭan a. Tùkṭhuan hi zíng lam dár 10:00 vêlah kan ei tlángpui a ni. Khua a ṭha a, boruak a nuam tâwk baw a, tlai lam hi han bàn hma deuh leh han thim lek lek cháng kan nei baw a ni. Kan Kohhran tán ni chhinchhiah tlak tak leh méi lung pawimawh a nih avàngin kan phûrin nuam kan ti êm êm a, kan hlim hle a ni. Kan chàm chhúngin Bialtu Pastor, Rev. R. Vànlaizuala te nupain min ngaihsak hle a. Tin, Kohhran Upa leh kohhran miten min ṭàwiàwm a, kan lâwm êm êm a ni.

Ni 30 (Ningani)-ah Silchar-a riak phei tùrin chawhnuah Jugicherra kan chhuahsan a. Pastor te nupa leh Kohhran mi, a thei theiin min thlah a. Silchar-ah Mission Compound-a thawktu ten Guest House-ah zanriah min lo *order*-sak a, riahna tùr te min lo ngaihtuhsak vek a, an chungah kan lawm êm êm a ni. Zíng dár 6:00-ah Silchar chhuahsanin, tluangin tlai dár 5:30-ah Falkawn kan thleng a. Kohhran mi, a thei theiin Biak In kawtah thingpui leh a hmeh te nèn min lo hmuak a. Kan kalna report tâwi kan pêk zawhin, Rev. J. Lalbiaknia, Chaplain ZMC (ani hi kan Kohhrana láwi a ni)-in làwm thu sawina leh ṭawngṭaina hun a hmang a ni.

8. Làwmawm lo lam: Duh anga kan chám rei thei lo hi pawl kan ti a. Hna thawh tùr a tam si a, duh anga tam kan thawk hman lo erawh pawl kan ti hle a ni.

9. Report tûl dang: Kan hnathawh hi Pastor quarters sak mék chhuat lei vûng chhùn khah, fencing hnuai âwng lei vûng chhùn, tui dahna tùr Tanky laih leh a chhuat Cement chhùn, Sound dahna siam leh pal hung te a ni.

Kan hna thawhah Kohhran mite an lâwm thiam êm êm a, Jugicherra Kohhran tán hêng te hi kan pe a ni: (Sum Fai ₹ 5,000; Dekchi pali; Thleng 100; No 100; Fianpui pahnih; Buhtlei pakhat; Chawhtawlh (plastic) pathum; Khuangpui pakhat leh Khuangtê pakhat

Lalremruata, Ramthar Ziaktu

5.

1. Field hming : Siliguri/Nepal Mission Field
2. Bial hming : Dharan/Belakoba Bial
3. Tlawh hun : Ni 12-20.12.2023
4. Tlawhtu : Champhal Vengsang Ramthar Comt.
5. Kal zât : Mipa – 8; Hmeichhia - 2
6. Tlawh chhan : Field pahniha thawktu te tlawh chhuah leh an dinhmun zir chian
7. Sênso : ₹ 1,45,220

8. Làwmawm lam: Champhai Vengsang Kohhran Ramthar Committee chuan kum 2020 khán Siliguri Mission Field tlawh tùrin ruahmanna kan siam a; Covid hripui léng avàngin kan pàmṭùl ta a. Hetia kan pàmṭùl tâkah chuan kan pawisa neih sa, ₹ 1,20,000 chu kum tâwp lamah Siliguri Field chhúnga Belakoba Biak In sak mék chhunzawm nán kan pe ta a.

Kum 2023 kum tìrah Ramthar Committee chuan Siliguri Mission Field hi tlawh tùrin Project-ah kan nei leh ta a. Hetia Siliguri kan kal rau rau chuan a bul mai, Nepal Mission Field Dharan Pastor Bial chhúnga Tarahara Kohhrana Evangelist thawk mék Tv. Vanlalchhanchhuaha Sailo chu kan Kohhran mi a nih a vàngin tlawh tel ṭha kan ti a.

Ni 12.12.2023 zing dár 10:00-ah Rev. K. Lianmunga, Bialtu Pastor-in tawngtaiin min thlah hnuah Aizawl kan pan a. Ni 13 tlai dár 4:00-ah Lengpul Airport ațangin Guwahati Airport dár 5: 00 vêlah kan thleng. Guwahati Pastor, Rev. Joseph Lalnunmawia kan chuanpui hlauh mai a, ani kaihhruainain Synod House kan lût a, zanriah pawh kan ei nghâl a. Lengpui Airport ațanga Guwahati kan chhuahsan thleng hian engkim min buaipuinaah kan lâwm tak zet a ni. Ni 13 zàn dár 10:00-ah Guwahati Rail Station ațanga chhuakin a tûk zing dár 6:00-ah New Jalpaiguri kan thleng a. Hetah hian Pu Vânlalpeka, Hatidanga-a thawk mékin Siliguri Field Secretary aiawhin min lo hmuak a. Chawhnu dár 1:00 vêlah Tarahara kan thleng. Tarahara Kohhran te hian min lo dawngsawng tha hle. Hemi ni tlai lam hian an Biak In, Nepal Mission Field chhúnga Biak In lian berah inkhâwm tâwi kan neih hnuah kan puala zanriah tuihnai tak an buatsaih chu puar takin kan ei a. Zàn lam Krismas Carol Service an hman te kan tel ve a, kan hlim tláng hle.

A tûkah Dharan Pastor thuthmun kan tlawh leh a; Rev. Lalfakzuala, Bialtu Pastor leh thawktu dangte nèn kan inkawm ho va. Hemi ni vêk tlai dár 5:00-ah Siliguri kan lût a. Siliguri-ah ni thum kan chàm chhúng hian Field Office-a thawktuten hneh takin min lo mikhual a, kan lâwm hle. Ní 17 (Pathianni) chawhma dár 11:00-ah Belakoba Bial Mantadari Biak In thar tha tak, Zarkawt, Kanan, Ramhlun Venglai Kohhran leh Pu C. Thangkuma, Damveng Aizawl ten an lo sak chu Rev. Lalrinfela Pachuau, Field Secretary-in a hawng a. Biak In thar lawmna ruai kan theh hnuah tlai lam dár 4:00-ah Belakoba Biak Inah kan inkhâwm a. Hetah hian Bialtu Pastor, Rev. Zoremliana Pachuau leh thawktuten kan puala chawhlui min buatsaihsak chu puar takin kan kíl ho. Ni 18 zàn dár 8:00-ah Siliguri chhuahsanin, ni 20 zing dár 7:00-ah Champhai kan thleng leh ta a ni.




DECLARATION

1. Title of Newspaper : Ramthar
2. Language in which it is published : Mizo
3. Periodicity of its Publication : Monthly
4. Printer's name : Rev. R. Lalhmingsanga
- Nationality : Indian
5. Publisher's name : Rev. R. Lalhmingsanga
- Whether citizen of India : Yes
- Address : Synod Office
6. Place of publication : Mission Veng, Aizawl
7. Editor's name : Rev. Thangzauva
- Address : Ramhlun South, Aizawl
8. Owner's name : Ramthar Association
- Where printing is conducted : Synod Press
and premises on which
the press is installed : Mission Veng, Aizawl
9. Name & address of individual who
owns the newspaper and partners
or shareholders holding more than
one cent of the total capital : Nil

I, Rev. R. Lalhmingsanga, hereby declare that the particulars given above are true to the best of my knowledge and belief.

Dated, Aizawl
The 1st March, 2024


(REV. R. LALHMINGSANGA)
Signature of publisher

MEMBER THAR 2024

Sl. No.	Field	Hawn Kum	Jan-24
I. HOME MISSION			
1	Home Mission North	1949	
2	Home Mission South	1987	14
3	Cachar Tlangram	2023	
II. NORTH EAST REGION			
1	Arunachal 'E'	1991	3
2	Arunachal 'N'	2016	3
3	Arunachal 'W'	2001	0
4	Assam	2008	2
5	Barak Area	1975	5
6	Karbi Anglong	1989	20
7	Tripura	1986	127
III. CENTRAL REGION			
1	Delhi	1988	
2	Jharkhand	2008	52
3	Calcutta	1988	53
4	Lucknow	1999	3
5	Nepal	2000	13
6	Odisha	2016	20
7	Patna	1999	
8	Siliguri	1988	5
IV. FIELD PUITLING LO, HMA LAKNA LIAN			
1	Masihi Sangati	1979	376
2	Cambodia	2010	
BELH KHAWM			704
<i>*Home Mission North hian botu brampa nei lovin, Pisapui hian a enkawl a ni.</i>			

RAMTHAR MAN PÊK DÂN



Bank Transfer hmanga pe duh tán a hnuaia
Account Number tår lanah hian a pêk theih bawk e.

Account Holder : SYNOD RAMTHAR
Account No : 10665621086
IFSC : SBIN0007058
Bank : State Bank of India
Branch : Mission Veng

Ramthar man pete chuan an pêk veleh
WhatsApp No. **8974694225**-ah inhriattîr ni se.

Postal Regn. No. MZR/46/2024-2026

RNI Regn. No. 40889/88

22nd MISSIONARY SHORT COURSE (Jan-Mar 2024) TRAINEE-TE



SERCHHIP VENGCHUNG KOHHRAN RAMTHAR HUAN (p. 19-20)

Kohhranhote hian Chanchin Tha hril kan va ngai
pawimawh tehlul ên! Kal chhuaka rawngbawltute pawhin
thahnem an ngai a. Hei hi Lalpan mal a sàwm a ni.



If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001

To,

*Published by Rev. R. Lalhmingsanga and Printed at the Synod Press, Aizawl
on behalf of Ramthar Association, Aizawl, Mizoram. Copies - 37,800*